

HEIMAVIST MA OG VMA

Eyrarlandsvegur 28 • 600 Akureyri • sími 455-1600 • Fax 455-1601
www.heimavist.is • heimavist@heimavist.is • Kt. 630107-0160



Skýrsla fyrir skólaárið 2022-2023

Almennt

Lundur rekur nemendagarða fyrir báða framhaldsskólana á Akureyri; annars vegar í byggingu Lundar frá 2003 og hins vegar í eldri byggingu sem áður hýsti Heimavist MA. Byggingarnar eru tengdar saman með björtu og rúmgóðu anddyri.

Lundur er sjálfseignarstofnun sem rekur nemendagarðana á grundvelli þjónustusamnings við menntamálaráðuneytið (nú Mennta- og barnamálaráðuneytið) frá desember 2001. Samningurinn kveður á um að Lundur tryggi íbúum nemendagarðanna frambærilegt húsnæði til búsetu, öruggar og heimilislegar aðstæður ásamt eftirliti með íbúunum auk viðunandi þvottþjónustu og fullnægjandi mötuneytisaðstöðu. Með samningi við Mötuneyti MA felur Lundur mötuneyti MA að reka mötuneyti og þvottahús á nemendagörðunum samkvæmt þjónustusamningi Lundar við menntamálaráðuneytið (nú Mennta- og barnamálaráðuneytið).

Á nemendagörðum Lundar er rými fyrir 333 íbúa og er þá miðað við að tvímennt sé í öll herbergi á nýju vist, í þrjú stærri herbergi á gömlu vistinni auk níu herbergja á svítum. Hefðbundnu herbergin á gömlu vistinni eru nýtt sem einstaklings herbergi á veturna.

Aðsókn

Þegar lokað var fyrir umsóknir í byrjun júní var aðsóknin svipuð og árið á undan og engir biðlistar. Minni aðsókn undanfarin ár hefur gert það að verkum að hægt er að bjóða einstaklingum upp á að leigja sér tveggja manna herbergi með baði sem áður hefði ekki staðið til boða. Með þessu móti hefur verið hægt að ná nokkuð góðri nýtingu á húsnæðinu.

Ætlast hefur verið til að íbúar skuldbindi sig til að búa á Heimavistinni yfir skólaárið á meðan þeir halda eðlilegri námsframvindu, enda er góð nýting mikilvæg fjárhagsleg forsenda heimavistarinnar.

Nemendum sem hætta námi eða falla frá námi er þó unnt að segja upp húsaleigusamningi með stuttum fyrirvara.

Gengið er út frá því að ólöggráða nemendur beggja skóla hafi forgang svo og nemendur sem sækja sérnám sem ekki er að finna í þeirra heimabyggð eða nám sem er mikilvægt skólunum. Að þessu frátöldu er lausu rými úthlutað í venjulegu hlutfalli 2/3 MA og 1/3 VMA, þó þannig að skólameistarar og framkvæmdastjóri Lundar leysi sameiginlega úr vandamálum, ef upp koma.

Fjöldi íbúa

Þegar heimavistin hóf starfsemi haustið 2022 voru flest öll herbergi nýtt en líkt og áður eiga þó nokkrar breytingar sér stað á þeirri íbúaskrá sem lagt er af stað með inn í skólaárið.

Ef miðað er við íbúafjölda 1. október 2022 þá voru alls 293 íbúar á heimavistinni eða 142 íbúar í MA og 151 íbúar í VMA. Ef horft er til ársins á undan eru það 17 íbúum fleiri en á sama tíma árið 2021.

Kynjahlutfall allra íbúa er svipað og árinu áður eða 56% stúlkur og 44% piltar. Hlutfallið skiptist þannig á milli skólanna: Hjá íbúum VMA voru alls 40% stúlkur og 60% piltar samanborið við 46% stúlkur og 54% piltar árinu áður. Hjá MA íbúum voru stúlkur 72% og piltar 28% en árinu áður var hlutfallið 67% stúlkur og 33% piltar.

Ef skoðuð er tafla 1 yfir aldursdreifingu íbúa haustið 2022 (miðað við 1. október) voru 79% allra íbúa ólögráða sem skiptist þannig: 85% MA íbúa voru ólögráða og 74% VMA íbúa voru ólögráða. Hlutfall ólögráða er heldur hærra en á skólaárinu á undan.

Tafla 1 - Aldursdreifing íbúa í október 2022

	Aldursdreifing allra íbúa	Aldursdreifing MA íbúa	Aldursdreifing VMA íbúa
Íbúar fæddir árið 2007	1%	2%	0%
Íbúar fæddir árið 2006	44%	53%	36%
Íbúar fæddir árið 2005	28%	25%	31%
Íbúar fæddir árið 2004	21,5%	18,5%	24,5%
Íbúar fæddir árið 2003	4%	1,5%	6%
Íbúar fæddir árið 2002	1,5%	0%	2,5%
	100%	100%	100%

Systkini

Á hverju skólaári dvelja systkini á heimavistinni en þau fá sérstakan systkinaafslátt af húsaleigunni. Skólaárið 2022-2023 bjuggu alls 11 systkinapör (22 íbúar) á heimavistinni.

Lögheimili nemenda

Íbúar sækja heimavistina víða að af landinu og eins erlendis frá eins og tafla 2 sýnir, en hún sýnir flokkun íbúa eftir lögheimili í október 2022:

Tafla 2 - Skipting íbúa eftir skólum og lögheimili í október 2022

	VMA íbúar	MA íbúar	Allir íbúar
Suðurland og suðvesturland	11%	20%	16%
Vesturland	9%	6%	7,5%
Vestfirðir	3%	4%	3%
Norðurland vestra	25%	17%	21%
Eyjafjörður (þ.m.t. Siglufjörður)	20,5%	25%	23%
Norðurland eystra utan Eyjafjarðar	10,5%	16%	13%
Austurland	21%	8%	15%
Erlendis	0%	4%	1,5%
	100%	100%	100%

Skólaárið 2022-2023 voru flestir íbúar frá Eyjafirði þ.m.t. Siglufirði eða 23% meðan á árinu áður voru þeir flestir frá Austurlandi. Flestir VMA íbúar koma frá Norðurlandi vestra eða 25% en flestir MA íbúar koma frá Eyjafirði (þ.m.t. Siglufjörður) eða 25%.

Heimili íbúanna

Heimavist MA og VMA á að vera tryggt og öruggt heimili fyrir íbúana og er kappkostað að svo sé enda mikilvægt fyrir íbúa og foreldra/forráðamenn að haft sé eftirlit með hegðan og líðan íbúanna eins og kostur er. Lögð er áhersla líkt og áður á að íbúar temji sér góða umgengni á heimavistinni, umhirðu herbergja sinna, virði næðistíma og að öll meðferð áfengis og fíkniefna sé stranglega bönnuð og varði brottrekstur.

Reglum og eftirliti með hegðan og líðan íbúanna var skólaárið 2022-2023 líkt og undanfarin ár fylgt eftir með uppbyggilegum ábendingum og afskiptum eftir þörfum. Fundir með íbúum s.k. gangafundir voru í upphafi skólaársins og í byrjun vorannar en þar eru reglur heimavistarinnar m.a. áréttaðar. Gangafundir eru einnig mikilvægur vettvangur fyrir íbúa að hitta aðra íbúa, starfsmenn og einnig fulltrúa í heimavistarráði.

Sú breyting varð á skólaárinu að ekki var boðið upp á viðveru hjúkrunarfræðings á heimavistinni eins og verið hefur. Hjúkrunarfræðingur var hins vegar með viðveru í MA og VMA sem var samstarfsverkefni skólanna og Heilbrigðisstofnunar Norðurlands (HSN).

Haldin var rýmiæfing 15. september sem tókst með ágætum en mikilvægt er fyrir íbúa jafnt sem starfsmenn að æfa rýmingu á húsnaðinu ef á þarf að halda. Eftir rýmingu heimavistarinnar söfnuðust íbúar saman í Kvosinni í MA þar sem starfsmenn frá eldvarnaeftirlitinu fóru yfir hvernig til hefði tekist og hvað þyrfti að bæta. Gert er ráð fyrir að íbúar safnist saman í Kvosinni ef til raunverulegrar rýmingar kemur.

Hagsmunamál íbúa

Íbúar kjósa sér hagsmunaráð heimavistarinnar, öðru nafni heimavistarráð. Heimavistarráð hefur starfað með framkvæmdastjóra og öðrum starfsmönnum og unnið að framgangi sameiginlegra hagsmunamála íbúanna. Þá hefur Heimavistarráð séð um og skipulagt félagsstarf og unnið að undirbúningi viðburða á heimavistinni.

Á skólaárinu 2022-2023 stóð heimavistarráð fyrir ýmsum viðburðum sem voru vel sótt af íbúum. Haldin voru spila- og kahootkvöld, staðið fyrir jólafondri og piparkökumálun auk jólahlaðborðs. Þá stóð heimavistarráð fyrir því að skreyta anddyrið í tilefni af hrekkjavöku og fyrir páskafrí var haldið veglegt páskabingó.

Agamál

Í samstarfi við skólameistara hefur Lundur mótað skýrar vinnureglur um meðferð og afleiðingar áfengisbrota á heimavistinni. Viðurlögin við áfengisbrotum fara eftir eðli brotanna en drykkja íbúa inn á heimavist getur varðað riftun á húsaleigusamningi. Þá hafa einnig verið mótaðar vinnureglur um meðferð og afleiðingar vímuefnanotkunar sem eru alvarlegustu brotin á agareglum heimavistarinnar.

Á skólaárinu voru sex íbúar áminntir vegna áfengisbrota og þurftu að dvelja utan vistar um helgar út önnina. Þá voru tveir íbúar áminntir vegna veipreykinga.

Á haustönn komu upp ofbeldismál á lóð heimavistar og í kjölfarið var bætt við öryggismyndavél sem vísaði að innkeyrslu við heimavistina. Þá kom upp atvik er varðaði eftirlíkingu af vopni. Í framhaldi voru reglur heimavistar bætтар.

Skipulags- og rekstrarmál.

Á skólaárinu 2022-2023 störfuðu tíu starfsmenn á heimavistinni. Fyrir utan framkvæmdastjóra og þjónustustjóra störfuðu tveir starfsmenn á næturvakt, tveir starfsmenn á skiptum vöktum á daginn og á kvöldin, einn starfsmaður á morgunvöktum, tveir helgarstarfsmenn og einn starfsmaður sem sinnti bæði húsumsjón og næturvörslu.

Á skólaárinu lét einn starfsmaður í næturvörslu af störfum og nýr starfsmaður kom inn í hans stað. Líkt og áður unnu íbúar á heimavistinni yfir vetrartímann. Starfið fólst í ýmis konar aðstoð við starfsmann á vakt s.s. við að ryksuga, fylla á lagera o.s.frv. Tveir íbúar störfuðu yfir vetrartímann og unnu að jafnaði alls 2-4 klst. á viku.

Á árinu var ráðist í þónokkrar endurbætur. Á nýju vistinni var haldið áfram að skipta út sturtuklefum og náðist að skipta út 31 sturtuklefa. Fyrirhugað er að halda áfram þeirri vinnu og endurnýja sturtuklefa á öllum herbergjum.

Haldið var áfram að endurnýja parket á nýju vistinni en alls voru 7 herbergi parketlögð.

Þá var farið í að skipta út reykskynjurum á öllum herbergjum á nýju vist og bæta við bjöllum á skynjarana.

Á gömlu vistinni var skipt út 7 sturtuklefum á svokölluðum svítuherbergjum. Parket var endurnýjað á einu svítuherbergi og einnig fataskápur. Þá var skipt um gólfteppi á Baldursheimi. Ráðist var í endurbætur á stiga við Kvennavist sem í dag er eingöngu notaður sem flóttaleið ef rýma þarf húsnæðið. Á skólaárinu var Mannvit fengið til að gera úttekt á ástandi húsnæðis gömlu vistar.

Kynningarmál

Á vormánuðum var tekið á móti grunnskólanemendum úr nágretta byggðarlögum í samstarfi við námsráðgjafa skólanna líkt og verið hefur. Alls voru um 200 nemendur sem komu í heimsókn og voru nokkrir íbúar á heimavistinni frá viðkomandi byggðalagi og skóla fegnir til að taka þátt í kynningunum með starfsfólki. Þessar kynningar eru líkt og áður mjög mikilvægar fyrir starfsemina.

Heimavistin tók þátt í sýningunni „Mín framtíð“ sem fram fór í Laugardalshöll dagana 16.-18. mars. Um þriggja daga dagskrá var að ræða þar sem fram fór Íslandsmót iðn- og verkgreina og framhaldsskólakynning. Heimavistin var með kynningarsvæði ásamt fulltrúum VMA en að auki voru á sýningunni um 30 aðrir framhaldsskólar og heimavistir víðs vegar af landinu. Þátttaka í sýningunni tókst með ágætum og styrkur að vera á sameiginlegu kynningarsvæði með VMA. Þátttaka í sýningunni er mikilvæg fyrir heimavistina til að minna á sig og vera sýnileg.